

EDENBURGVM



DENBURGVM, Regia & metropolitana in Scotia vrbs, Alata castra vocant, à Cruthneo Scotorum Rege condita, & primæua institutione Agneda, posteriore autem ætate ab Etho, Pictorum Rege Ethinburgum cognominata, in Landonia, præcipua Scotiæ Prouincia sita. Forthea amne alluitur, excipitq; ab eiusdem nominis æstuario nauigia ab orientali Oceano, in frequentissimum portum, vix mille passibus ab vrbe distantem, vbi Hæmonia est Insula, hodie Columba dicta, vltra Fortheam, in cuius ostio Castellum Dunbar conspicitur. Habet autem vrbs ipsa Edenburgum duos montes ad Orientem, Australior, Cathedra Arthmi, & qui Aquilonem respicit, Collis apri nuncupatur. Ager vndique fertilissimus est, amœna prata, syluula, lacus, riuuli, arces vltra centum per circuitum vrbs; intra vnum miliare Germanicum. Ad Septentrionem intervallo Italic

miliarij, est brachium maris, iuxta quod situm est oppidum Letha, in cuius medio constructa est porticus, in qua simul videre licet centum magnas onerarias naues. Habet brachium maris, ibi ad aquilonem in latitudine septem miliaria. Porro Edenburgum in monte, instar Pragæ sita, habet in longitudine miliare Italicum, in latitudine dimidium. Longitudo accipitur ab Occidente in Orientem. Ab Occidente vrbs, assurgit mons, & alta rupes, atq; arx in rupe, natura loci munitissima, sub qua, vndique est profunda vallis, nisi ea parte, qua respicit urbem, quare arx omnino est inexpugnabilis, cum aditu sit omnium difficillimo, (licet quandoque, sed mirabili prorsus stratagemate, sit expugnata, vti Index latius commemorabit) nec quisquam ad eam scandere posset, qualibuscunque etiam scallis; tam præceps & dura est petra, in qua vultures nidificant. Quarum auium nidos deprædantur iuuenes audaciores, ex arce in sportis demissi. Hæc arx, occidentalem vrbs partem claudens, Puellarum castrum vocatur, quod illic Regiæ, Pictorumque virgines insigniores, manuarius artibus discendis, ad nubilem vsque ætatem, vt tum fiebat, addictæ, arcta custodia seruabantur. Caterum ad Orientem vrbs est augustissimum monasterium S. Crucis, habens annexum palatium Regis, & amœnissimos hortos, quos claudit lacus ad fundum montis, Cathedræ Arthmi. In hoc monte inueniuntur pretiosi lapides, clara die radiantes, adamantes præcipue. In vrbe sunt duæ magnæ viæ, ab arce puellarum, vsq; ad monasterium, & regium palatium, lapidibus quadris strata, præsertim regia via. Est suburbium ad Occidentem, dimidio miliari longum, vocaturque via S. Cuthberti. Sunt in vrbe multa Monasteria, & templa, præsertim Franciscani, Dominicani, Ecclesia Mariæ de Campo, Collegium Sacerdotum, & aliud Collegium Trinitatis, Hospitale D. Thomæ. Vrbs ipsa, non est constructa ex coctis, sed naturalibus & quadris lapidibus, vt etiam singulæ ædes possint magnis palatijs comparari. In medio vrbs est Capitolum, & Ecclesia Collegiata sancti Egidij. Habent Episcopi, Duces, Comites, Baiones & Proceres totius regni, in ipsa vrbe sua palatia, quando ad Comitia vocantur. Est Palatium Regis, positum supra Monasterium amplissimum & superbissimum, à quo, vsque ad arcem puellarum extenditur perpetua quædam platea, vicus Regius dicta, sed, quæ prope arcem puellarum latior, prope Monasterium autem angustior est; atque hæc regia via insignes habet ex vtraque parte ædes, portioresque polito ex lapide constructas. Porro, alia ablōga via, quæ vicus Canonicorum vocatur, angustior est, seiungiturque à Regio vico, muro, porta, ac turribus, atque pro suburbio reputatur. A regia via inter Austrum & Boream, infiniti extenduntur viculi, qui omnes excelsis ædibus sunt ornati, quemadmodum & vaccarum via, in qua Patritiorum, & Senatorum vrbs habitationes; principum ac regni palatia, vbi nihil humile, sed cuncta videntur magnifica. Inter maiores Edenburgi Ecclesias, post insignem Monasterij Basilicam, Collegiata sancti Egidij Ecclesia, primum sibi vendicat meritum locum, in medio Regiæ viæ constructa. Deinde in vico, qui Edenburgum à via Canonicorum & suburbio diuidit, Ecclesia est celeberrima, Collegium Regiæ intra muros. Item inter Monasteria Franciscanorum & Prædicatorum, sita est Ecclesia Mariæ de Campo, vbi sacerdotum etiam est Collegium. Et sub rupe demum

arcis puellarum noua S. Cuthberti Palæstina est sita.